

**FRAMKVÆMDARREGLUGERÐ FRAMKVÆMDASTJÓRNARINNAR  
(ESB) 2020/2082****2021/EES/26/36****frá 14. desember 2020****um vegið meðaltal hæsta verðs fyrir lúkningu símtala í farsíma í Sambandinu og um niðurfellingu á framkvæmdarreglugerð (ESB) 2019/2116 (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 531/2012 frá 13. júní 2012 um reiki á almennum farsímanetum innan Sambandsins <sup>(1)</sup>, einkum 2. mgr. 6. gr. e,*og að teknu tilliti til eftirfarandi:*

- 1) Samkvæmt reglugerð (ESB) nr. 531/2012 ættu veitendur landsbundinnar þjónustu, frá 15. júní 2017, ekki að leggja aukagjald, til viðbótar við landsbundna smásöluverðið, á viðskiptavini reikiþjónustu í neinu aðildarríki fyrir reikisímtal, sem reglur eru settar um og tekið er á móti, ef þau símtöl eru innan þeirra marka sem heimiluð eru samkvæmt viðmiðunarreglum um eðlilega notkun.
- 2) Reglugerð (ESB) nr. 531/2012 takmarkar hvers konar aukagjald, sem lagt er á fyrir að taka á móti reikisímtölum sem reglur eru settar um, á vegið meðaltal hæsta verðs fyrir lúkningu símtala í farsíma í Sambandinu.
- 3) Í framkvæmdarreglugerð framkvæmdastjórnarinnar (ESB) 2019/2116 <sup>(2)</sup> er sett fram vegið meðaltal hæsta verðs fyrir lúkningu símtala í farsíma í Sambandinu, sem á að gilda árið 2020, á grundvelli gagnagildanna frá og með 1. júlí 2019.
- 4) Evrópskur hópur eftirlitsaðila á sviði rafræna fjarskipta hefur látið framkvæmdastjórninni í té uppfærðar upplýsingar frá eftirlitsyfirvöldum aðildarríkjanna um hæsta verð fyrir lúkningu símtala í farsíma, sem lögð voru á skv. 7. og 16. gr. tilskipunar Evrópuþingsins og ráðsins 2002/21/EB <sup>(3)</sup> og 13. gr. tilskipunar Evrópuþingsins og ráðsins 2002/19/EB <sup>(4)</sup>, á hverjum landsbundnum markaði fyrir heildsölu á lúkningu símtala í talsímaþjónustu í einstökum farnetum [áður þýtt sem farsímanet], og um heildarfjölda áskrifenda í aðildarríkjunum.
- 5) Framkvæmdastjórnin hefur, samkvæmt reglugerð (ESB) nr. 531/2012, reiknað út vegið meðaltal hæsta verðs fyrir lúkningu símtala í farsíma í Sambandinu með því að margfalda hæsta verð fyrir lúkningu símtala í farsíma, sem leyfilegt er í tilteknu aðildarríki, með heildarfjölda áskrifenda í því aðildarríki, leggja það margfeldi saman fyrir öll aðildarríkin og deila síðan í heildarútkomuna með heildarfjölda áskrifenda í öllum aðildarríkjunum á grundvelli gagnagildanna frá og með 1. júlí 2020. Að því er varðar aðildarríki, sem hafa ekki evru sem gjaldmiðil, miðast viðeigandi gengi við meðaltal annars ársfjórðungs 2020 sem er fengið úr gagnagrunni Seðlabanka Evrópu.
- 6) Því er nauðsynlegt að uppfæra gildið fyrir vegið meðaltal hæsta verðs fyrir lúkningu símtala í farsíma í Sambandinu.
- 7) Því ætti að fella framkvæmdarreglugerð (ESB) 2019/2116 úr gildi.
- 8) Samkvæmt reglugerð (ESB) nr. 531/2012 ætti framkvæmdastjórnin að endurskoða árlega vegið meðaltal hæsta verðs fyrir lúkningu símtala í farsíma í Sambandinu, eins og ákvarðað er með þessari framkvæmdarreglugerð.

(\*) Þessi ESB-gerð birtist í Stjttíð. ESB L 423, 15.12.2020, bls. 18. Hennar var getið í ákvörðun sameiginlegu EES-nefndarinnar nr. 118/2021 frá 19. mars 2021 um breytingu á XI. viðauka (Rafræn fjarskipti, hljóð- og myndmiðlun og upplýsingasamfélagið) við EES-samninginn (bíður birtingar).

(1) Stjttíð. ESB L 172, 30.6.2012, bls. 10.

(2) Framkvæmdarreglugerð framkvæmdastjórnarinnar (ESB) 2019/2116 frá 28. nóvember 2019 um vegið meðaltal hæsta verðs fyrir lúkningu símtala í farsíma í Sambandinu og um niðurfellingu á framkvæmdarreglugerð (ESB) 2018/1979 (Stjttíð. ESB L 320 11.12.2019, bls. 11).

(3) Tilskipun Evrópuþingsins og ráðsins 2002/21/EB frá 7. mars 2002 um sameiginlegan regluramma um rafræn fjarskiptanet og -þjónustu (rammatilskipun) (Stjttíð. EB L 108, 24.4.2002, bls. 33).

(4) Tilskipun Evrópuþingsins og ráðsins 2002/19/EB frá 7. mars 2002 um aðgang að rafrænum fjarskiptanetum og samtengingu þeirra og tilheyrandi aðstöðu (tilskipun um aðgang) (Stjttíð. EB L 108, 24.4.2002, bls. 7).

- 9) Ráðstafanirnar, sem kveðið er á um í þessari reglugerð, eru í samræmi við álit nefndarinnar sem komið var á fót með 22. gr. tilskipunar 2002/21/EB.

SAMÞYKKT REGLUGERÐ ÞESSA:

*1. gr.*

Vegið meðaltal hæsta verðs fyrir lúkningu símtala í farsíma í Sambandinu skal vera 0,0076 evrur á mínútu.

*2. gr.*

Framkvæmdarreglugerð (ESB) 2019/2116 er felld úr gildi.

*3. gr.*

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. janúar 2021.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 14. desember 2020.

*Fyrir hönd framkvæmdastjórnarinnar,*

Ursula VON DER LEYEN

*forseti.*

---